

Për 8/mujorin e vitit 2018 Programi i investimeve i miratuar me Vendim të Keshillit të Qarkut është **17307 mije leke**, por realizimi i tij është në nivelin zero. Kjo situatë lidhet me përparatjen e dokumentacionit për prokurimin e investimeve që do të realizohen në bashkitë e qarkut sipas nevojave dhe kërkesave të tyre. Programimi i tyre në buxhet është bërë në mbledhjen e Keshillit të Qarkut nr. 8 datë 21.05.2018 dhe aktualisht ka filluar procesi i tenderimit.

Burimet e Financimit për Programin e Investimeve janë :

- Nga Transferata e Pakushtëzuar

- Nga të Ardhurat e veta, Tarifatat Vendore

Për vitin 2018 Keshilli i Qarkut do të financojë në Investime në infrastrukturë në bashkitë e Qarkut me objekte si më poshtë:

- *Nderhyrje pjesore në infrastrukturën rrugore në fshatrat Ravonik dhe Floq, Bashkia Korçë me vlerë 2500 mije leke*
- *Rigjenerim i hapësirave mes pallateve Bilisht, bashkia Devoll me vlerë 2825 mije leke*
- *Rehabilitimi i shkollës 9/vjecare Plase, bashkia Maliq me vlerë 4028 mije leke*
- *Rikonstruksion catia e cerdhes se femijeve në qytetin Erseke, bashkia Erseke me vlerë 2436 mije leke*
- *Pus shpimi në thellësi 100 m në bashkinë Pustec me vlerë 2678 mije leke*

Në programin e investimeve për vitin 2018 janë planifikuar edhe investime për vetë institucionin, realizimi i të cilave do të bëhet në këtë 4/mujor pasi lidhet me kalimin e institucionit në ambjentet e reja.

Analiza analitike e shpenzimeve për 8-mujorin e vitit 2018, (për DAMT në qark)

Keshilli i qarkut në përmbushje të funksioneve të deleguara si funksioni i Drejtorisë të Administrimit dhe Mbrojtjes të Tokës në qark, ka të programuar në Buxhetin e tij edhe fonde nga transferata e kushtëzuar, të cilat delegohen nga Buxheti i Shtetit.

Gjatë periudhës 8 mujore të vitit 2018, shpenzimet e përgjithshme për funksionimin e Drejtorisë të Administrimit dhe Mbrojtjes së Tokës (DAMT), janë realizuar në shumën prej **4222 mije lekë**, ndaj programit vjetor prej **4701 mije lekë** ose e shprehur në përqindje në **89.8 %**.

Ky buxhet paraqitet përgjithësisht i realizuar në të gjitha zërat e shpenzimeve, fondi pagave dhe sigurimeve shoqërore parashikuar me rezervë.

a. Shpenzime për Pagat dhe Sigurimet Shoqërore të Punonjësve (Artikulli 600+601)

Realizimi i shpenzimeve për paga dhe sigurime shoqërore gjatë 8/ mujorit viti 2018, për punonjësit e Drejtorisë të Administrimit dhe Mbrojtjes së Tokës (DAMT), janë kryer në zbatim të strukturës organike të miratuar nga Ministria e Linjës si dhe nivelit të pagave të miratuara me Vendim të Keshillit të Ministrave.

Për periudhën 8-mujore viti 2018, numri i punonjësve për këtë drejtori është 7. Realizimi i fondit të pagave dhe sigurimeve shoqërore si 8/ mujor viti 2018 është në vlerën **4083 mije lekësh**, kundrejt fondit të programuar në vlerë **4423 mije leke** ose e shprehur në përqindje në **92.3 %**. Kjo lidhet me një planifikim me rezerve dhe fondet e paperdorura për këtë program nuk trashëgohen në vitin pasardhës.

b. Shpenzimet Operative dhe të Mirëmbajtjes (Artikulli 602)